

四庫全書

史部

欽定四庫全書

欽定大清會典則例卷一百六十六

內務府

上駟院

一建置順治初年設御馬監掌各廐政令○十八年改御馬監為阿敦衙門以大臣侍衛管理均無定員設筆帖式十有五人○康熙十六年改阿敦衙門為上駟院鑄給印信以管理大臣

掌之設員外郎四人主事一人○二十四年增設郎中一人員外郎二人○二十九年增設筆帖式七人○三十三年設左右司增設主事三人侍衛四人以郎中一人主事二人筆帖式八人辦理堂務左右司各以侍衛二人員外郎三人主事一人筆帖式七人辦理司務○三十四年奏準鑄給左右司印信以郎中掌左司印以侍衛或員外郎一人掌右司印○五十九年奏

準堂司各增設筆帖式一人○雍正六年奏準
上駟院卿定為三品○乾隆十四年奉

旨上駟院卿定為二人由侍衛內務府官各簡一人
補授仍簡大臣兼管院事○又奏準

皇子每位原設司鞍一人司轡四人因不敷用增
設司鞍一人司轡四人

一內外馬廐康熙年間定

紫禁城內設御馬走馬各一廐均隨時增減無定

額御馬廐附應差駑馬五匹仗馬一廐三十匹
附應差駑馬十匹

東安門內駑馬四廐各二百匹駕車馬一廐馬七
十匹羸三十匹

西安門內川馬一廐無定額駝一廐百匹附應差
駑馬十有五匹

南苑御馬內馬共六廐無定額每廐附巡羣馬三
十匹甕山駑馬一廐二百四十匹○雍正元年

諭

皇考親乘良馬著謹慎飼養如有偷騎調換等情即行處斬欽此○又議準每廐駕馬額定二百四十匹○

乾隆二年奏準

紫禁城內走馬一廐改為

皇子乘馬○五年奏準內管領所管駕車羸歸院管理設廐於

西安門內額定馬三十匹羸七十匹○十一年定

南苑六廐內設牝馬一羣額騰馬十牝馬八十以
備取漣之用○十六年移甕山馬廐於安河○
十八年改駝廐為駕馬廐並大有莊駕馬一廐
京城駕馬四廐共馬千二百匹作為六廐每廐各
二百匹具駝百匹分養

京城駕馬五廐每廐各二十具附養駝廐之應差
馬十五匹以十匹附仗馬廐以五匹附

皇子乘馬廐○又奏準牝馬羣內裁騰馬六匹牝

馬四十四匹○又奏準安河馬廐減馬四十匹

○十九年定

西安門內駕車馬廐增養羸十匹○二十年奉

旨駕車馬二廐各設馬五十匹羸五十匹

一大凌河牧羣康熙八年奏準設牝馬十羣○

十八年以

盛京馬三羣歸大凌河北馬羣內牧養別將羣內

駟馬分設二羣○三十年增設牝馬十羣駟馬

二羣○三十九年增設駟馬二羣○四十四年
奏準將羣內牡馬牝馬共選三千七十一匹作
為五分分給土默特二處喀喇沁三處孳生牧
養每年將孳生倒斃馬數呈報理藩院三年一
次具奏咨院存案○四十六年增設牝馬六羣
○雍正元年增設牝馬駟馬各四羣○五年奏
準喀喇沁所養孳生馬一分仍交大凌河牧養
○十三年奏準

南苑牧養牝馬十羣移於大凌河牧羣內牧養○
乾隆六年增設牝馬六羣驢馬二羣○是年裁
驢馬二羣○十三年奏準牝馬三十六羣共大
小馬一萬九千七百匹內撥出馬五千匹交哲
里穆盟長親王五千匹交上都總管牧放孳生
餘齒老殘病之馬照例變價畱牝馬八十分為
二十羣每羣三百至五百不等○十九年議準
養什木驢馬二羣分在大凌河驢馬羣內牝馬

六羣改為四羣亦移於大凌河

一上都達布遜諾爾馬羣順治年間設牝馬二十羣駟馬六羣○康熙四年增設牝馬二十羣○十三年增設駟馬四羣○十四年增設牝馬三十羣○三十三年增設牝馬十羣駟馬四羣○三十五年增設駟馬十羣○三十六年增設教爾吉牝馬一羣○三十八年增設駟馬四羣牝馬十四羣○四十四年增設牝馬十八羣○

五十年增設牝馬十一羣○五十五年喇嘛庫
禮成貴貢走馬一羣○乾隆二年增設驃馬十
二羣○三年奏準增設牝馬二十羣驃馬十六
羣○六年移牝馬二十羣於達里岡崖牧養○
是年裁驃馬六羣存留牝馬一百三十四羣驃
馬四十羣走馬一羣每羣自三百至五百不等
一達里岡崖馬羣康熙三十九年設牝馬三羣
○四十二年增設牝馬七羣○四十五年增設

牝馬六羣○五十五年增設牝馬二羣○五十七年增設牝馬二羣○六十年增設牝馬二羣○雍正四年增設牝馬十八羣○乾隆六年奏準移上都牝馬二十羣於達里岡崖牧放其牝馬六十羣每羣自三百至五百不等○十九年奏準裁驢馬四羣增牝馬三羣

一上都駝羣順治年間設牝駝十羣驢駝二羣○康熙三十九年奏準移牝駝五羣於達里岡

崖牧放○四十五年奏準移牝駝五羣於達里岡崖牧放○四十六年奏準在京駟駝六羣內選百匹存廐外餘交上都分四羣牧放共駟駝六羣每羣百匹至二百匹不等

一達里岡崖駝羣康熙三十九年設駝一羣牝牡各五十匹○是年移上都牝駝五羣於達里岡崖牧放○四十五年移上都牝駝五羣於達里岡崖牧放○是年增設牝駝四羣○五十七

年增設牝駝二羣○六十年裁牝駝一羣存留
牝駝十六羣每羣自一百至二百不等

一

盛京差馬順治年間定設差馬三羣每羣五十匹
一各游牧羣給與乳牛犍牛其所孳生之牛均

交所屬衙門

一馬廐典牧官役

京師各廐均設廐長一人廐副二人廐丁二十名

草夫御馬廐三十六名走馬廐二十八名伏馬廐三十名川馬廐十有四名駕馬四廐各四十四名駕車馬羸二廐各三十二名

南苑六廐各二十八名甕山駕馬廐二十四名各草夫內共設百總六人外郎十有六人駕車馬羸二廐各設驍騎四十名○雍正元年奏準川馬廐裁廐長一人廐副一人廐丁十名以駝廐廐長兼管○乾隆十七年定

京畿原設牧羣共設牧長副牧長各十有一人牧
副二十二人牧丁二百二十名今牧羣既經裁
汰其各羣員役止畱牧長副牧長各五人牧副
十人牧丁百名充本院備馬等差餘員役仍食
原餉撥給奉宸院

清漪園等處充役○十八年奏準駝廐改為駕馬
廐其川馬廐即以駕馬廐長兼管

一上都興牧官役順治年間定設掌關防總管

二人翼領三人蒙古筆帖式五人効力筆帖式
三人牝馬每羣設牧長一人牧副二人牧丁七
名駟馬每羣設牧副一人餘與牝馬羣同駝每
羣牧丁十名餘與駟馬羣同○康熙三十五年
奉

旨裁總管一人增設翼領二人○三十九年奏準撥給
達里岡崖翼領二人○四十一年奏準設蒙古
總管一人○四十五年議準撥給達里岡崖翼

領一人增設署翼領六人○四十七年奏準增
設翼領一人○五十五年奏準增設走馬一羣
設牧長牧副各一人牧丁七名○雍正七年奏
準增設翼領一人○乾隆三年奏準增設翼領
一人署翼領三人○又奏準增設蒙古筆帖式
二人○十九年奏準裁牧副四人牧丁七名
一達里岡崖典牧官役康熙三十九年奏準以
上都總管兼管達里岡崖牧羣事設翼領二人

蒙古筆帖式三人効力筆帖式二人馬每羣設
牧長牧副各一人牧丁七名駝每羣設牧長牧
副各一人牧丁十名○四十五年奏準增設翼
領一人署翼領三人○雍正五年奏準裁翼領
一人

一大凌河典牧官役康熙八年定由內務府奏
遣上駟院侍衛司官各一人前往大凌河直年
管理駟馬羣各設牧長一人牧副二人牧丁十

有五名○三十年奏準驕馬每羣設牧長一人
牧副二人牧丁二十五名○三十七年奏準設
掌關防總管副管各一人○雍正二年奏準裁
副管增設六品牧長署副管二人○五年奏準
署副管改為翼領○十年奏準驕馬每羣裁牧
副一人增設牧長各一人署牧副各一人
署牧副在
牧丁額內
下仿此○十三年奏準牝馬每羣裁牧副一
人增設副牧長一人署牧副一人○乾隆十五

年奉

旨大凌河牧羣總管著隸盛京將軍所屬欽此○十
九年奏準大凌河牧羣每羣原設牧丁二十五
名著各減五名新增牝馬四羣具牧丁即將所
裁之人充補仍少十名照例行錦州等處簡補
一捍牧官兵雍正四年奏準上都達布遜諾爾
牧羣內簡選牧長三名牧副六名牧丁六十名
專司緝捕盜賊○十年議準於上駟院太僕寺

三旗牛羊羣三處游牧蒙古丁內簡選千名調
往軍營奉

旨此項兵丁疎凱旋時著即為三處游牧羣簡選兵丁
令防守牧羣以備緝捕盜賊之用○十一年議準於
上駟院所屬上都達布遜諾爾游牧羣蒙古內
選取防禦三人驍騎校二人護軍校十有二人
護軍三百四十五名達里岡崖牧羣蒙古內選
取防禦一人驍騎校一人護軍校三人護軍百

名令往軍營○乾隆元年奏準各游牧處選出
官員兵丁均自軍前撤回令各歸該游牧處防
守牧羣緝捕盜賊○三年奏準上都達布遜諾
爾自軍前撤回之護軍以二百八十名無充牧
丁以六十名專司緝捕○十四年奏準達里岡
崖牧羣照上都例以護軍六十名專司緝捕以
四十名無充牧丁

一考牧康熙年間定

京師各廐每年察閱一次每三年奏遣本院官考其息耗以內外駕馬五廐為一班

南苑六廐巡羣馬為一班互相比較按倒斃數少者為一等數平者二等數多者三等各定賞罰駕馬廐一等者賞廐長段一疋廐副彭段一疋二等免議三等廐長罰俸三月廐副鞭三十巡羣馬一等者賞廐長毛青布六疋廐副三疋二等免議三等廐長罰俸兩月廐副鞭二十○又

定上都驢駝羣每三年達里岡崖牝駝羣每六年奏遣官察閱一次定議賞罰大凌河驢馬羣每百匹內倒斃一匹至四匹者賞牧長蟒段緣領袖段袍一件段一疋牧副韃段緣領袖段袍一件毛青布十疋倒斃五匹至八匹者牧長牧副賞段布如之倒斃九匹至十二匹者免議倒斃十三匹至十六匹者牧長罰俸六月牧副鞭四十倒斃十七匹以上者牧長罰俸一年牧副

鞭八十牝馬羣每三年牝馬五匹孳生馬駒二匹如額外孳生百六十匹以上者為一等賞牧長皮端罩羊皮段袍各一件一等牛一頭牧副羊皮段袍一件毛青布十疋一等牛一頭八十匹以上者為二等賞牧長羊皮段袍一件一等牛一頭牧副毛青布十匹二等牛一頭一匹以上者為三等賞牧長毛青布十匹二等牛一頭牧副二等牛一頭如孳生闕額百匹以上者為

一等罪牧長罰俸九月牧副鞭六十五十一匹
以上者為二等罪牧長罰俸六月牧副鞭五十
一匹以上者為三等罪牧長罰俸三月牧副鞭
四十如羣內闕原額牧長罰俸一年牧副鞭八
十其掌關防總管翼領等除駟馬羣不議賞罰
外牝馬牡馬馬駒彙計總數於額外多孳生五
百匹者為一分如多一二分者注冊多三分者
該總管翼領各加一級多三分以上者照分加

級如孳生闕額未至二百匹者免議闕二百匹者為一分該總管翼領各罰俸六月闕二分者罰俸一年三分者降一級畱任四分者革職上都達布遜諾爾馬庫每三年牝馬三匹額生馬駒一匹計匹分等與大凌河同議賞一等者牧長毛青布六十足牧副四十足二等牧長毛青布四十足牧副二十足三等牧長毛青布二十足牧副十足議罪一等者牧長罰牲一九牧副

鞭六十二等牧長罰牲一七牧副鞭五十三等
牧長罰牲一五牧副鞭四十如羣內闕原額者
牧長罰牲二九牧副鞭八十其各羣倒斃馬匹
計其多寡定為三等一等者議賞二等免議三
等議罪皆照牝馬孳生第三等賞罰例行其該
羣翼領計其所管馬羣數目不拘多寡共折作
十二羣如賞罰均者免議七羣八羣得賞者賞
翼領緣領羊皮段袍一件毛青布十疋九羣十

羣得賞者賞皮端罩一件毛青布二十足十一
十二羣得賞者賞皮端罩羊皮段袍各一件毛
青布二十足如七羣八羣得罪者翼領罰牲一
九九羣十羣得罪者罰牲二九十一十二羣得
罪者罰牲三九駟駝羣每年百駝內倒斃一匹
至四匹者賞牧長毛青布六十足牧副四十足
五匹至八匹者牧長布三十足牧副二十足九
匹至十二匹者免議十三至十六匹者牧長鞭

八十牧副鞭六十至十七匹以上者牧長鞭一
百牧副鞭八十該羣翼領賞罰與馬羣例同達
里岡崖牝駝羣每六年內牝駝五匹額生駝二
匹額外孳生二十一匹以上者給一等賞十一
匹至二十匹給二等賞一匹至十匹給三等賞
如孳生闕額計匹分三等罰如之其該總管翼
領牧長牧副應行賞罰皆照上都牝馬羣賞罰
例行○又定考覈

京師各廐及各游牧羣其應賞衣裘段布之在京
廐長廐副移廣儲司領取罰俸之廐長行戶部
該旗應鞭責之廐副由本院辦理游牧羣應加
級之總管翼領繫內務府人移咨內務府繫旗
人行該旗兵部應降級罰俸行戶兵二部收長
牧副應賞衣裘段布行廣儲司應賞牛行慶豐
司領取應罰俸之牧長移該總管轉行

盛京戶部各照例辦理應罰牲之翼領牧長行該

總管追繳牛羊羣總管覈收應鞭責之牧副交
該總管辦理○又定奉差察驗各游牧羣之大
臣應乘馬十匹侍衛司官六匹筆帖式四匹廐
長牧長各五匹廐副牧副各三匹廐丁牧丁二
人共馬三匹均於駕馬廐內撥給各官役路費
大臣侍衛每人日給銀一錢三分廐長牧長筆
帖式各給銀八分廐副牧副各給銀五分其應
得口糧及出口照票均咨戶兵二部領取○雍

正十年奏準

京城內外廐御馬駕馬每年百匹內殘疾一二匹者賞廐長毛青布六疋廐副三疋三四疋者免議五六匹者廐長有官者罰俸兩月無官者鞭四十廐副鞭二十六匹以上者著落該廐長廐副賠補○又定大凌河驛馬羣每年百匹內殘疾五匹以上者著落翼領牧長牧副賠補其殘疾馬匹交

盛京將軍賞給兵丁○乾隆二年奏準御馬內馬
歲一察閱分三等以定賞罰其賞罰之制仍照
定例行○三年奉

旨嗣後著上駟院每年將上都達布遜諾爾大凌河
等處牧羣內孳生倒斃馬駝數目比較上年孳生
倒斃多寡之處具奏○又奏準每年將上都達布
遜諾爾達里岡崖大凌河等處馬羣覈其實數
若比上年孳生多倒斃少者將該羣人役遇應

升牧長牧副者按次補用若孳生少倒斃多者均停其升轉如有賞緣調換羣牧者該管官一并議處○四年奏準大凌河羣內牝馬牡馬馬駒每三年考覈於額外多孳生三分者該總管照例加級翼領等停其加級由院注冊俟下次考牧時額外孳生好者六年期滿換回升一級補用孳生平等者換回仍照原品補用如闕額者照例分別治罪○五年奏準考覈

京城內外廐駕馬及

南苑六廐內巡羣馬均一年一次定議賞罰○六年奏準各廐所養川馬應差馬駕車羸橐駝驢皆照例每年考覈一次定議賞罰○十一年奏準

南苑六廐內捫馬一羣一年考察一次注冊三年將孳生倒斃數目覈實如有應辦理之處請

旨定奪○十五年奏準廐馬定例每年百匹內倒斃

十二匹者不議賞罰今請於不隨圍之年仍照
定例如遇隨圍至一月以上者將倒斃十二匹
之數減二匹入隨圍馬數內覈算以倒斃四匹
為額兩月以上者以六匹為額如倒斃過額者
著該廐長廐副賠補○十八年奏準各廐廐長
廐副等在廐三月以內不議賞罰三月以上如
例行其應鞭責之廐副交慎刑司懲責

一出牧康熙初年定每年四月初一日將

京師各廐馬發五百匹往張家口外放青至九月十五日進口豫月奏遣本院侍衛二人分爲兩班辦理每人日給路費銀一錢三分廐長一人日給路費銀八分廐副一人廐丁十有五名各日給路費銀五分其出牧官役每羣各給羊二咨慶豐司領取馬羣出口行兵部給票○又定大凌河馬羣每年於四月初一日放青十一月初一日入莊餵養隨羣出牧之牧長牧副牧丁

各給路費及羊均照

京師廐馬出牧例由該總管咨院轉行支給○三
十二年定內外馬羣出牧給藥行藥房領取○
四十六年定內廐駝百匹每年四月初一日以
五十匹存廐餘交上都總管就該處放青至九
月初一日送京○六十一年奏準

南苑六廐內巡羣馬一百八十匹每年四月初一
日以九十匹即在

南苑放青九月十五日入厰如馬有殘疾者減草
豆之半○又定各厰馬駝出牧口外每日按站
各給草一束行戶部飭該地方備給○雍正五
年奏準大凌河隨羣出牧之官役停具給與路
費○乾隆元年奏準

京城內外駕馬五厰共馬千二百匹以五百匹放
青回日如馬有殘疾者覈減草豆之半○三年
奏準大凌河隨羣出牧之牧長各日給路費銀

五分牧副牧丁各給銀二分五釐○十四年奏
準將應放青之駕馬五百匹減存百匹歲以四
百匹出牧口外

一供直馬日以御馬四匹齊其毛色具鞍轡列
於院門外

駐驛園明圓以六匹豫備如前

一扈從馬康熙年間定

車駕巡幸掌御馬大臣奏請於御馬內馬中選取隨

從日以十匹備

乘御扈從官役所乘駑馬及蒙駝駕車羸馬應用數
目由院奏

聞並奏遣卿一人侍衛一人管理御馬駑馬御馬塗
次日給草二束駑馬駝日給草一束行戶部沿
塗豫備駕車羸日給熟豆四升草九斤駕車馬
熟豆二升草十一斤應用芻牧器具人夫均行
會計司令沿塗附近各莊豫備由院奏委侍衛

司官各一人監視散給○又定尚茶尚膳武備院各隨

駕官役需用馬匹由各該處咨取內監需用馬匹由內務府轉交均於駕馬內撥給差竣繳回各官役內監隨侍

皇子出行撥給馬匹亦如之○又定本院扈從官役每日應得路費銀一錢三分由院按日合計移戶部給領並移知戶科江南道稽察所需帳

房鞍轡等物移武備院支竿行營造司車繩油蠟行內管領各如數給領回日除油蠟外餘各移交所司收貯各官役隨侍

皇子出行亦如之○康熙三十七年奉

旨嗣後出外上駟院所屬人員皆令騎八旗官馬○乾隆五年奏準裝載

內廷備用器物車所需駕車馬向例交內管領於廣儲司支領制錢雇覓應用今著停止交院於

各廐駕馬內選馴良者六十匹以備駕車之用
○十七年奏準凡遇隨園內監尚茶尚膳等人
乘騎及員載器物需用馬數約一千四百有餘
嗣後由院將各廐駕馬覈驗如不敷用具數請
旨飭交兵部撥給八旗官馬應用○十八年奏準

內廷隨侍人等騎用馬匹均令廐長注册院卿時
往點驗如馬數與冊不符嚴加懲治廐長於每
月初具數呈堂每三月卿稟數奏

聞交該處覈對

一調馬順治年間定每年春秋二季禱馬於

神第一日早以絳帛繫御馬鬣尾凡七十匹晚以青帛
送大凌河驕馬羣繫三十匹次日早以絳帛晚
以青帛送大凌河北馬羣繫以絳帛者千三百
匹青帛者二百七十六匹○又定

南苑豫備祭

神受釐青黑黃花四色馬四十匹

今附於
仗馬廐

每祭以此項

馬十匹於

神前受釐祭畢送回闕額於大凌河牧羣內選補○乾隆四年定御馬不足舊額繫絳帛者減定以三十四為率

一用馬順治年間定歲四孟月敬

神各用青白馬二匹由掌儀司咨取選肥馬撥給敬畢以馬交會計司變價○又定

皇子分封初次祭

神薦以馬婚禮以馬充賞固倫公主和碩公主下嫁給
以馬駝生子彌月以馬各充賞均由掌儀司移
院如數撥給○又定分封親王郡王貝勒貝子
各給驕馬二百匹牡馬牝馬六百匹牡駝牝駝
三十匹驕駝四十匹分封公給馬二十匹具各
馬駝草豆移會計司撥給一年○又定

皇子每位給駕馬二十匹以供乘騎○又定各省
駐防將軍副都統總督巡撫提督總兵官及朝

鮮國使臣來京

朝覲各

賜以馬由禮部行院於駕馬內選佳者撥給○乾隆

十八年奉

旨皇子琿娶福晉後給駕馬十匹未娶福晉以前凡
有行走將廐內馬通融給與騎坐分例駕馬不必
給

一進貢馬駝順治年間定四十九旗蒙古王貝

勒貝子公台吉塔布囊喀爾喀厄魯特等貢馬
駝由理藩院送院行知掌試御馬大臣侍衛奏
會本院大臣侍衛公同選驗不入選者交理藩
院給還入選者分別等次奏

聞收受收受者行廣儲司折賞上等馬每匹賞銀一
百三十兩二等百二十兩三等七十兩四等五
十兩五等及朝鮮國馬各三十兩其未經選受
馬有倒斃者折賞亦如之每年十一月初一日

始至次年十月三十日止彙計收受及發還馬
駝實數於歲終覈奏○又定歸化城兩旗蒙古
每年四季貢馬一百六十三匹喀爾喀澤卜尊
丹巴胡圖克圖每年進貢白馬八匹白駝一匹
陝西岷州衛二十四寺番僧分為四班每班間
三年進貢一次均由理藩院奏送本院交各廐
芻秣○康熙七年定公主等貢馬二三匹者收
二匹三匹以上好馬全收常馬再收二匹郡主

以下八貢好馬全收常馬收一匹王貝勒貝子
公親入貢者好馬全收常馬王貝勒再收二匹
貝子公一匹如皆繫常馬王貝勒收二匹貝子
公一匹王貝勒等之母福晉母舅等入貢好馬
常馬各收二匹若遣使入貢王貝勒收好馬常
馬各二匹貝子公止收好馬其常馬停收台吉
等所貢馬駝仍照舊例收取厄魯特喀爾喀貢
好馬上等頭目收二匹其次台吉等無貢皮張

等物止收馬一匹具福晉等貢馬各收一匹○

二十三年奏準蒙古等貢馬上等每匹賞銀一
百三十兩二等百兩三等五十兩四等三十兩
五等二十兩六等十兩貢駝上等每匹賞銀六
十兩二等五十兩三等四十兩四等三十兩五
等二十兩六等十五兩○四十二年奉

旨著將牝馬千匹交索倫圓場每處分給二百匹設立
牧羣俟生駒令精於騎射者騎演馴練佳者貢進時

照伊等進馬之例編為等次賞給○雍正二年奏準
在京大臣侍衛等所進馬內有堪收者進馬人
願領賞照五等馬例折賞○七年奉

旨嗣後凡進貢馬經朕賜名號者貢馬人賞內庫上用
段四疋著為例

一汰補馬羸康熙年間定

南苑六廐御馬如不足數於內馬中簡取奏補有
倒斃者廐長呈報掌御馬大臣令直班侍衛及

該廐長監視瘞埋伏馬內有改性不馴者撥入
駕馬廐如數行大凌河總管選良馬充補

皇子乘騎之馬有倒斃者廐長呈報令廐長監視
瘞埋○十一年奏準御馬羣內馬有殘疾者交
上都總管處牧養○四十二年奉

旨廐內殘疾駕馬交內務府賞給各司院匠役人等○
雍正四年奏準駕車羸廐內有殘疾倒斃者羸
移咨戶部轉交左右翼監督照數買補馬於各

廐駕馬內選補○七年奉

旨廐內小馬如不敷用著交崇文門監督採買送廐○
又定各廐駕馬及應差巡羣駕馬均於每年二
月呈堂奏委侍衛司官各一人察覈出入倒斃
數目將應補者咨各游牧羣總管照數撥補有
殘疾者移內務府賞給各司院貧窮匠役○又
定各廐每月三次將見在馬匹出入殘疾倒斃
數目移會計司分給草豆○乾隆六年奏準內

馬駕馬有齒老不堪用者交兩翼稅務監督變價其殘疾馬匹照時價稍減變價銀交廣儲司庫○又奏準各游牧羣內如有額外多孳生者將羣內不拘牝牡驕馬該總管視其齒老殘疾不堪牧養者撥出其撥出馬匹上都達布遜諾爾交張家口大凌河交山海關各稅務監督變價報院變價銀交廣儲司庫○七年奏準各鹿應撥出變價乏馬於未交兩翼監督以前如有

倒斃者照變價減半每匹銀一兩著該廐長廐副賠補其銀交廣儲司庫○又奏準達里岡崖駝羣有齒老殘疾者該處水草甚好仍畱牧養尚可孳生無庸選撥外其上都驕駝羣內齒老殘疾者照馬變價之例將齒老者照時價殘疾者稍減其直均交殺虎口稅務監督變價銀交廣儲司庫○又奏準大凌河收羣每年撥出變價之馬即就近交奉天府牛馬稅務監督如遇

撥出馬匹為數過多酌量分交山海關兩處稅務監督變價○十五年奏準凡隨圍回京之馬匹有齒老殘疾者照每年各廐撥出發崇文門監督變價例行○十七年奏準每年二月以本院卿一人按視各廐駕馬停其奏遣侍衛司官

○十九年奏準

盛京應差馬闕由都虞司呈堂具奏咨院行大凌河總管撥補

一馬駝遺失處分康熙十六年奏準馬駝羣於
白日失去者令巡察人賠補不能賠者鞭一百
風雨雷電驚失及昏夜失去者亦著巡察人賠
補不能賠者鞭七十該班牧長失馬者鞭八十
有品級牧長準折贖牧長不去失馬者牧副鞭
八十該班侍衛及游牧總管失馬駝四匹以下
皆免議五匹以上侍衛罰俸六月總管罰俸三
月○又奏準奉差官役所乘馬因病倒斃者於

歲終奏銷如調習不時致殘疾及走失者領馬人鞭一百仍令賠補○二十二年題準馬駝羣有失去者牧長免責罰俸三月○雍正十年定護軍校護軍失馬皆治罪

一交納馬駝皮康熙年間定凡倒斃馬羸駝皮京師各廐用左司印送武備院大凌河牧羣由總管交錦州城守尉咨院轉送武備院上都達布遜諾爾達里岡崖由總管交張家口監督各轉

送武備院○雍正四年定張家口著每年交馬皮二千張馬駒皮千張駝皮百張○五年定

京師各廐交送馬駝皮每月終彙數行武備院覈對

一廐馬芻菽順治年間定各廐馬日給黑豆三

東升

每升計倉升一升有半

草三束

束重七斤

其需用草豆由

會計司分令各莊交送如有不敷由會計司移

戶部由院具領咨取○又定由外廐取至應差

駕馬每匹各日給羊草一束公使乘內廐駕馬
至

南苑者給羊草如之其每歲需用草萬束至三萬
束不等於冬季行奉宸苑給領分交各廐收貯
備用每束給運價銀三釐移戶部給領○康熙
十八年奉

旨分交各廐黑豆著將黑豆倉米各給一半○又定每
年自九月初一日扣至次年八月三十日各廐

馬羸駝應需豆米草數若干通計覈實行會計
司分給各廐廐長每月三次將有無增減馬駝
數目呈報每月由院移會計司存案歲終將增
減馬駝並所餘草豆數目彙數移會計司題銷
○二十三年奏準

上乘御馬各日給黑豆倉米三東升草二東半備班
御馬黑豆倉米二東升草一東半伏馬草二東
半川馬駕車馬羸橐駝各給草二東豆米均與

備班御馬同○二十八年奉

旨秣馬豆米每升減一合草每束減一斤○三十四年

奉

旨仗馬豆米各減一半○又奏準川馬豆米各減三合

○四十五年奏準各廐飼馬豆米每升各減一

合草每束各減一斤○五十三年奏準

上乘御馬內馬各日給豆米四倉升五合草十四斤

備班御馬豆米三倉升二合四勺草九斤仗馬

豆米一倉升六合二勺草十一斤川馬豆米二
倉升五合草八斤駕馬駕車羸橐駝各給豆米
三倉升草十一斤若馬駝內有殘疾者豆米草
各減一半○雍正元年奏準駕車羸草各減二
斤○六年奏準川馬駕馬駕車羸橐駝停用倉
米照依倉米數目折給黑豆御馬內馬仗馬各
減倉米之半折給黑豆如之○十年奏準各莊
所交各廐草豆外其不敷用之草停具赴戶部

領取令該處各委直年官一人同該廐官役確
訪時價採買每千斤除時價外給苫蓋堆垛銀
四錢其不敷用黑豆會計司分給部豆由院領
取內廐每石給運價銀三分五釐

南苑各廐每石給運價銀六分○十二年定各廐
分給部豆如不敷用交直年官照時價採買應
用銀由會計司覈實移廣儲司由院具領令直
年官領取○乾隆十六年奏準羊草運價停於

戶部領取由廣儲司支給

一大凌河芻菽順治年間定大凌河驕馬每羣
歲給黑豆三百倉石穀草三萬束羊草七萬五
千束牝馬每羣歲給豆一百五十倉石穀草一
萬八千束羊草六萬束其草豆由院行會計司
分令

盛京等處各莊撥給○康熙五十一年定驕馬每
羣歲給豆九百十有四倉石四斗穀草三萬束

羊草七萬五千束牝馬每羣歲給豆四百五十
三倉石六斗穀草一萬一千束羊草六萬束○
雍正元年奏準駟馬每羣歲增豆四百八十九
倉石羊草減千束○十三年奏準

南苑牝馬十羣移大凌河牧養每羣歲給豆五十
倉石穀草三千八十束羊草一萬五千五百二
十束○乾隆五年定牝馬每羣歲給豆百石○
六年奏準大凌河將羣內孳生馬分設牝馬六

羣驕馬二羣至冬季入莊餵養不必增給黑豆
仍於從前增給各羣內黑豆動用其不敷草稍
為加增

一各廐麩餼薪炭順治年間定各廐秣馬需用
之麩行戶每年交納二萬三千四百四十五斤
運送本院收貯各廐長每月計應用麩數呈堂
領取○又定各廐所需餵馬麩麥行內管領如
不敷用移戶部給領夏季御馬川馬需用蘆葦

行奉宸苑給領均於歲終彙計用過數目咨會
計司折草豆煤炭麩四倉石折豆一倉石煤三
十一斤四兩炭三斤二兩葦每束折穀草一束
○又定各廐炊煮豆米需用煤炭黑豆三倉斗
六升用煤十一斤四兩炭一斤二兩米每三倉
斗六升用煤七斤八兩炭十二兩均於每年九
月初一日扣至次年八月三十日彙計一年應
用數目行會計司折給秣秣每秣十五斤抵

折煤七斤八兩炭十二兩陸續送交該廐如不
敷抵除將其餘應用煤炭由會計司轉移工部
由院赴部支領○康熙五十九年奏準行戶年
例應交之鹵著停止每斤按時價折銀三分交
廣儲司庫○乾隆二年定舊貯本院之鹵業經
用完合計各廐一年需用鹵二千七百斤咨廣
儲司辦給○七年奏準麥麩停止於戶部領取
咨會計司於莊頭等應徵粗糧折銀項內動支

採買

一各廐雜支仗馬廐授結鞅轡鞍五副駕馬四
廐官鞍各十副駕車馬廐駕車鞍及車一兩如
不堪用應更換者鞍轡行武備院車行營造司
各修理換給騎試御馬及內監奉差各需用鞍
轡移武備院取用用畢繳回每廐升斗移會計
司秤標記新馬木牌繫馬木行營造司木鑱瓢
箒箕弔簫荆筐木杠葦席大繩細繩均行掌關

防內管領各如數給領木槽水槽鋤刀鍋闌柱等物各有朽壞移工部修理更換每廐各日給燈油一斤由會計司分令各莊交送歲除每廐各給爆竹行營造司蒼朮行藥房均各如數給領

一公使口糧芻菽上都達布遜諾爾達里岡崖牧羣官役奉差來京所乘馬日給羊草二束回日塗次草束移戶部給票按站領取大凌河牧

羣官役奉差來京每日人給口糧馬每匹給黑豆四倉升穀草羊草各一束均移戶部炊米木柴二斤煮豆木柴二斤移工部各如數給領回日塗次口糧草豆移戶部給票按站支領

一治藥歲用胡椒硫黃白礬呈丈紙行廣儲司
藜蘆根行藥房藥篩行營造司
瓢羅葦席簾羅
圈柳木吊筩礮藥所用驢均行掌關防內管領
各如數給領驢用畢繳回其每年治馬四黃散

藥物於次年二月內奏銷治癩藥物呈院覈銷
各廐及游牧羣有用治癩藥及和藥油並太僕
寺所屬牧羣需用癩藥均照咨給與○乾隆元
年奏準配合治馬四黃散等藥物移禮部領取
一升補康熙年間定本院郎中員外郎主事員
闕由內務府簡選引

見補授兼司侍衛員闕於本院侍衛內簡選掌御馬
侍衛員闕於本院侍衛司鞍長司鞍司轡內簡

選本院侍衛員闕移領侍衛大臣簡選送院司
鞍長闕於司鞍內簡選司鞍闕於司轡內簡選
司轡闕於散司轡領催廐丁牧丁內簡選均由
院引

見補授筆帖式員闕移內務府於考中人員內籤掣
補用

皇子司鞍司轡闕於廐丁內簡補蒙古醫人闕行
八旗選取送院題補治癩醫人闕於廐丁內簡

補獸醫闕移禮部轉行五城送院選補○雍正十三年奏準司轡闕於上三旗親軍內府護軍及散司轡領催廐丁牧丁內遴選引

見補授○乾隆六年奏準本院侍衛凡遇升轉均由院出具考語保送

一

京師典牧官役升轉順治年間定廐長牧長員闕於廐副牧副內簡選廐副牧副闕於司轡散司

轡領催廐丁牧丁內遴選

南苑廐長員闕於各廐長牧長內簡選均由院引見補授廐丁牧丁闕咨會計司將內府佐領內管領下閒散人咨送本院簡選拔補各廐草夫等闕於草夫本戶子弟內拔補如本戶子弟不敷咨會計司於原佐領下丁冊內人丁送院拔補百總等闕於草夫內拔補○雍正十年定廐長員闕於廐副內簡選引

見補授○乾隆五年定駕車馬旣驍騎闕咨都虞司於各內管領下驍騎內照數補送

一游牧羣官役升補康熙年間定上都掌關防總管員闕於內務府官及本院侍衛司官內簡選由院引

見補授翼領員闕該總管於蒙古筆帖式牧丁內簡選保送由院引

見補授蒙古筆帖式員闕於該處牧丁內牧長員闕

於該處牧副內牧副闕於該處牧丁內牧丁闕
於該處牧羣人等子弟內均由該總管拔補効
力筆帖式闕於廐丁牧丁內簡補三年期滿該
總管保送由院咨內務府以筆帖式補用○康
熙三十七年定大凌河總管及筆帖式牧長牧
副闕均照上都例辦理牧丁闕於義州錦州廣
寧等處驍騎及閒散人內由該總管拔補○三
十九年定達里岡崖翼領筆帖式牧長牧副牧

丁升補之例與上都同○四十一年定上都蒙古副管員闕於該處翼領內簡選由該總管送院引

見補授○四十五年定上都達里岡崖翼領員闕於署翼領內該總管簡選送院引

見補授署翼領員闕於蒙古筆帖式牧長內由該總管簡補○雍正五年定大凌河翼領員闕於廐長牧長內由該總管簡補○十三年定大凌河

牧長於副牧長內副牧長於牧副內牧副於署
牧副內簡選由該總管送院引

見補授署牧副於該處牧丁內簡補○乾隆元年奏
準大凌河効力筆帖式照上都例年滿保送補
用○又奏準大凌河翼領定為行走六年期滿
換回咨該處對品題補○八年奏準大凌河等
處翼領員闕照上都例於該處牧長內簡選引
見補授不準戴藍翎○十年奏準達里岡崖効力筆

帖式向來原於廐丁內簡選効力行走嗣後候
補人員內有願往効力者定以年半期滿更換
來京補用此等効力之人如食錢糧者仍給原
食錢糧未食錢糧者無論內管領佐領下人均
準暫補該處廐丁額闕食錢糧効力年滿之日
照例分別補用補用之日準其將効力年分一
并計算

一防牧官兵升補乾隆元年奏準各游牧羣防

禦員闕於驍騎校護軍校內簡選驍騎校護軍
校員闕於驍騎領催內簡選均由該總管送院
引

見補授護軍由總管於牧丁內拔補如該羣牧長闕
即令護軍校兼充牧丁闕即令護軍兼充

一俸餉公費本院官應得俸楮及廐副牧副廐
丁牧丁司轡領催各醫人等應得餉銀繫旗人
移該旗內府人移內務府漢人移戶部各支領

其司鞍司轡內行走之厄魯特每歲冬季來京
當差至次年春遣回內有無侍衛者於當差日
月給公費與侍衛同游牧羣各總管應得俸糈
繫旗人由該旗內府人由內務府頒給蒙古副
管每季俸銀五十二兩五錢翼領防禦每季四
十兩驍騎校護軍校每季各三十兩署翼領牧
長護軍領催月給餉銀各二兩牧副一兩五錢
牧丁一兩蒙古筆帖式如之由護軍拔補之牧

丁與牧長同上都達布遜諾爾歲春秋二季達里岡崖歲春季由該總管具冊送院移戶部頒給大凌河歲春秋二季由該總管移

盛京戶部給領

一草夫地糧石糴莊草夫一百四十名內百總一人牌坊莊草夫四十二名內百總一人大壩草夫一百三十六名內百總一人外郎四人東壩草夫一百四十五名內百總一人外郎四人

楊家莊草夫六十三名內百總一人外郎二人
通州草夫二十八名內百總外郎各一人各給
地三十畝月給銀五錢米一斛其銀米於內府
三旗各佐領內管領下支給○康熙三十九年
奏準石榴牌坊各莊草夫每名月增給銀五錢
米一斛○雍正五年奏準發遣甕山馬廐鋤草
內監每名日給老米一倉升木柴一斤每月移
戶部營造司支給○乾隆二年奏準大壩東壩

楊家莊通州草夫每名月增給銀五錢

一游牧羣典牧官田廬康熙三十八年奏準大凌河牧羣所設總管副管筆帖式均照各省駐防例給與房屋地畝房屋移工部地畝移戶部各照例撥給○又定初給地畝未經收穫以前給一年口糧並遷移家眷塗次每日應用口糧草豆移戶部給票按站支給其所用車及出關路引移兵部給發○乾隆八年奏準大凌河牧

羣翼領既由該處收長內選補給六品俸給
官房居住從前所得官地交該地方官應得一
年口糧草豆悉行裁汰



欽定大清會典則例卷一百六十六

欽定四庫全書

史部

欽定大清會典則例卷一百

六十七至
七十

詳校官檢討臣劉 炘

編修臣程嘉謨覆勘

總校官原任中允臣王燕緒

校對官中書臣王彛憲

謄錄監生臣孫鶴年

欽定四庫全書

欽定大清會典則例卷一百六十七

內務府

奉宸苑

一建置康熙二十三年設奉宸苑鑄給印信

簡內務府總管一人掌之管理一切苑囿事務凡有

題奏照上駟院武備院例自行題奏設郎中一

人員外郎四人主事一人筆帖式九人○四十

年奏準增設筆帖式一人○雍正元年奏準增設筆帖式二人○六年奏準奉宸苑卿定為三品○十三年奏準增設筆帖式二人○乾隆十四年奉

旨奉宸苑卿定為二人由侍衛內務府官各簡一人補授仍簡大臣兼管院事○十六年奏準增設郎中一人筆帖式二人

一奉宸苑所隸

景山

瀛臺

蠶壇

闡福寺

永安寺南花園河道

萬壽寺高亮橋

行宮各設八品苑丞未入流苑副各一人樂善園
行宮八品苑丞未入流苑副各三人翰林花園未

入流苑副一人○初設八品催長二人領催十
有二名○康熙二十五年增設八品催長四人
○雍正二年增設八品催長二人○乾隆四年
增設催長一人領催四名○十一年

闡福寺增設催長一人領催一名○十六年奏準
增設八品催長三人領催六名以八品催長改
為八品苑丞其由領催委署之副催長改為未
入流苑副領催改為執事人

一

南苑設官順治十八年設員外郎二人○康熙八年於員外郎二人內改一人為郎中○二十三年設筆帖式六人○二十四年奏準苑內原有大紅門小紅門東紅門南紅門西紅門五門又增設正國寺門黃村門迴城門雙橋門共為九門大紅門設四品總領一人領催二名驍騎十有八名其餘八門每門各設五品防禦一人領

催一名驍騎九名並屬南苑郎中管轄○三十年奏準新舊

行宮各設未入流苑丞一人苑副二人○三十六年奏準南紅門

行宮設未入流苑丞一人苑副二人○五十二年奏準南紅門

行宮增設苑副一人○雍正元年奏準增設員外郎一人又於筆帖式內委署主事一人○乾隆

元年增設主事一人○十八年增設八品催長
一人聽差人十有五名

一

暢春園設官康熙年間定設郎中一人八品苑丞
三人未入流苑丞十人筆帖式十人○四十三
年設

西花園八品苑丞二人未入流苑副八人筆帖式
二人

一

圓明園設官雍正元年奉

旨圓明園設筆帖式四人○又增設筆帖式四人○二年設苑丞六人苑副十有二人○五年增設筆帖式四人○七年奉

旨苑丞六人著授為六品賞戴藍翎苑副十二人以六人授為七品六人授為八品○乾隆六年奏準於筆帖式內委署苑副二人增設學習筆帖式二人

○八年設主事一人增設七品八品苑副各一人○十六年奏準設七品庫掌一人於筆帖式內委署苑副五人○又奏準

長春園設六品苑丞一人七品八品苑副各一人○二十年奏準

圓明園協理事務郎中員外郎闕即於本處主事及六品苑丞內簡選引

見補授

一

靜明園設官康熙三十一年奉

旨澄心園著改名靜明園設未入流苑丞一人未入流

苑副三人筆帖式一人○乾隆五年奏準由

西花園撥往八品苑丞一人未入流苑副一人○

十八年奏準苑丞二人授為七品苑副四人授

為八品

一

靜宜園設官乾隆九年奉

旨著於西花園靜明園二處苑副內各簡選一人在

香山行宮行走○又奉

旨設管理事務員外郎一人○十年奏準設八品苑

丞一人未入流苑副一人筆帖式一人○十二

年奉

旨以香山行宮為靜宜園增設八品苑丞一人未入

流苑副一人筆帖式一人○十六年奏準八品苑

丞二人改為七品未入流苑副四人授為八品
又增設七品苑丞一人八品苑副一人筆帖式
一人於七品苑丞內簡選一人協理事務○十
七年奉

旨祭祀所用鹿交靜宜園餽養

一

清漪園設官乾隆十六年奉

旨以萬壽山行宮為清漪園○又奏準設六品苑丞

一人七品苑副二人八品苑副二人筆帖式四人八品催長一人由奉宸院撥往未入流催長一人○十八年奉

旨由上駟院撥送七品牧掌六人改為七品苑副副牧掌六人改為委署苑副○十九年增設六品苑丞二人

一湯山

行宮設官康熙五十四年題準設八品苑丞一人

未入流苑副二人効力筆帖式二人○乾隆四年增設未入流苑副一人

一升除本苑郎中員外郎主事及管理

暢春園事務郎中

暢春園西花園湯山等處八品苑丞闕均由內務

府簡選應升人員引

見補授稻田場六品庫掌

景山

瀛臺等處八品苑丞闕均由苑簡選應升人員引見補授

暢春園西花園等處未入流苑副闕均由內務府簡選人員補授

景山

瀛臺等處未入流苑副執事人

靜明園未入流苑丞苑副湯山未入流苑副闕均由苑簡選補授總管

圓明園事務大臣奉

特旨簡任協理園內事務官員或該園總管大臣等
奏委或奉

特旨除授其六品苑丞七品八品苑副員闕均由該
園總管大臣等簡選應升人員引

見補授本苑

圓明園

暢春園

靜宜園稻田場等處筆帖式員闕均由內務府制筆
籤補授

一園隸園戶

暢春園等處園隸共八十九名

瀛臺長工九名花匠二名瓦匠一名

豐澤園長工十有三名花匠三名瓦匠一名

勤政殿長工六名花匠二名

淑清院長工一名服役人一名花匠一名

紫光閣長工五名服役人七名花匠一名

五龍亭長工三名服役人二名花匠一名

承光殿原有長工四名復於所屬長工花匠內簡
選長工十有八名花匠二名

景山長工十有四名東果園長工五名服役人六
名花匠一名外虎城長工三名服役人一名水
車房長工八名南花園長工十名服役人十有
四名花匠三十名中海長工十名花匠四名南

海長工十名北海長工十名凡掃除所需箕帚
轆轤等物及水車房所需水具花匠所需盆盎
均移咨各該處支取○康熙年間定

景山

瀛臺

靜明園南花園等處園戶匠役每名各給養贍家
口地六十畝月支銀一兩各園園戶匠役各給
地三十畝月支銀一兩米一斛功德寺園頭一

名花匠二名種花地二十畝豐臺園頭一名花匠二名種花地六十畝將容城房山等縣取租地二十頃分給二處園頭備辦正陽門外三里河金魚池投充園頭一名月支銀一兩米一斛長工二名每名各給地六十畝月支銀一兩附於旗鼓佐領下支領其園頭長工闕各以其子弟充補○乾隆二十年奏準增設之園戶各給地三十畝月支銀一兩○凡園隸關於管領下

閒散人內選補園戶關於旗鼓佐領下閒散人
選補匠役關於旗鼓佐領下選補不得其人於
五城召募民人充補仍附旗鼓佐領下支領錢
糧地畝○乾隆七年奉

旨瀛臺等處長工著改名園戶

一苑戶初定

南苑苑戶每名給地二十八畝○康熙三十年題
準新舊

行宮設灑掃苑戶十有六名○五十二年題準南

紅門新舊

行宮增設苑戶三十二名○又定湯山苑戶每名
月給銀五錢米一斛各項匠役各給地三十畝
月給銀一兩米一斛○五十六年題準

永慕寺設苑戶十名○乾隆十二年奏準湯山苑
戶七十名每名月支銀五錢米一斛銀較各處
獨少嗣後每名各支銀一兩米照舊支領至該

處地方雖覺遼濶但苑戶七十名不免過多應
裁去二十名奉

旨湯山苑戶著裁去三十名

一海戶原定

南苑海戶一千八百名

今一千六百名

內千戶二名總甲

二十二名小甲八十八名巡青海戶四十八名

門軍八十一名海戶一千五百五十九名有闕

以其子弟頂補○康熙十一年奏準

南苑海戶每名各給地二十八畝○二十七年奏
準增設海戶四百名即以海戶子弟充補每名
照例撥給地畝○五十一年奏準裁千戶二名
總甲十名小甲四十名門軍四十五名海戶五
百三名原給之地悉行撤回總甲每名各增給
地三十二畝小甲及巡青海戶每名各增給地
十二畝尚餘地八十八頃八十八畝仍為羊草
地其牆外馬道及通州等處退出地畝七十四

項交戶部令該州縣徵收錢糧

一蠶戶雍正六年奉

旨圓明園於七年起著養蠶設立首領內監內監各一人管理蠶事○乾隆九年建

先蠶壇設八品催長一人領催二名內監二人園戶二十名○又議奏

先蠶壇飼蠶供事蠶婦蠶母均由內府三旗閒選因不甚諳練於

圓明園養蠶民婦內選撥五戶在蠶壇當差同蠶婦蠶母隨時往蠶室教習使其熟練奉

旨養蠶民婦交奉宸苑俟有園戶闕不必別選即將養蠶戶充補○十年奏請前於

圓明園撥給奉宸苑蠶戶五名候補園戶其看守掃除等項差務自應一體充當如值養蠶之期仍充本役較之園戶實屬有間按

圓明園蠶戶分例每名歲支銀十有二兩米二十

四斛冬令並給煤炭棉布五年一次給與狐皮
帽領羊裘至本苑所屬園戶苑戶每名例給養
贍家口地六十畝歲支銀十有二兩五年一次
給羊皮十張麕布二丈今以蠶戶充補園戶自
應仍支蠶戶分例俟其子孫長成頂補園戶之
時再照園戶分例給與地畝錢糧奉

旨此五名蠶戶俟園戶闕即行坐補仍領蠶戶分例
其子孫頂補亦著領蠶戶分例○十七年奏準

圓明園蠶戶撥往

萬壽山織染局當差

一網戶初定霸州網戶四十六名江南網戶六
名每名月支銀一兩歲支米二十四斛均附於
旗鼓佐領下支領其江南網戶六名每年輪流
四名在京該班除所領錢糧外總漕衙門每名
月給養贍家口銀三兩其不該班之網戶二名
除在京應領錢糧外每名月給養贍家口銀一

兩再於內府佐領內管領下簡選閒散人二十
名演習刺船每名月支銀二兩歲支米二十四
斛沙河網戶二十六名効力當差不給錢糧○
乾隆十七年定江南網戶均令在京當差

一雜徵康熙年間定玉泉山稻田場委司官二
人管理設筆帖式二人領催十有三名聽差人
四名每年豫領帑金以便雇人耕種○十六年
奏準每年步糧橋至玉泉山一帶河道共徵租

銀三百八十九兩有奇○又奏準

紫禁城護城河歲徵蓮藕租錢三十貫○又奏準
三海蓮藕除貢進外餘令變價於每年四月內
奏銷○雍正元年奏準玉泉山稻田場設六品
庫掌一人增設筆帖式二人○二年奏準每年
所得稻米除供

內廷應用及備貯籽種外餘米交大宛二縣依時
價糶銀交廣儲司庫○三年奏準玉泉山稻田

場歸并奉宸苑管理原委司官二人令回本任
歲於苑屬官員內委出一人與庫掌協同辦理
裁筆帖式一人領催八名再按每年恭進

內廷應用細米及應貯稻共計不過六七百石今
功德寺水田七頃四十四畝甕山水田八頃十
有一畝各有奇所得稻已敷一年之用畱此二
處官種外其六郎莊北塢蠻子營黑龍潭等四
處稻田地應租與附近居民徵租所種官地停

其領帑卽於地租銀內動用其用過餘剩數目
於歲終具奏稻草變價銀一併入奏六郎莊水
田五項四十八畝四分一釐每畝租銀六錢旱
地三項七十五畝二分九釐每畝租銀三錢北
塢水田九項三十七畝七分一釐每畝租銀五
錢至七錢不等旱地一項八十八畝二分二釐
每畝租銀一錢五分至二錢不等蠻子營水田
十項八分三釐每畝租銀四錢三分至六錢五

分不等旱地一項二十五畝三分五釐每畝租銀二錢黑龍潭水田五項三十一畝六分九釐每畝租銀五錢旱地五十四畝三分一釐每畝租銀二錢石景山水田四項八十二畝六釐每畝租銀六錢三分功德寺頭圈水田一項三十五畝九分八釐每畝租銀四錢三分至七錢不等旱地一項八十七畝五分三釐每畝租銀二錢五分至三錢不等甕山旱地一項一畝一分

三釐每畝租銀三錢六郎莊房基地十有五畝
一分九釐共租銀十兩荷花池四畝八分租銀
四兩功德寺房基地九畝五釐每畝租銀一兩
房十間每間租銀一兩荷花池十有二畝四分
五釐租銀八兩洩水河荷花池一區租銀七錢
甕山荷花池一區租銀三兩五錢以上水田三
十六頃三十六畝六分應徵銀二千有四十三
兩五錢旱地九頃三十二畝八分應徵銀二百

二十九兩六錢各有奇並房租地基租荷花池
租及變價稻米稻草銀每歲除種地製備器皿
雇覓人工使用外餘銀交廣儲司庫於次年二
月奏銷○每年於

豐澤園後演耕耤禮種旱地一畝三分所種旱稻
熟時碾得細米供獻

奉先殿

壽皇殿

恩佑寺

福佑寺

安佑宮五處各一斗交送尚膳房二斗餘盡交

奉先殿備每月供獻之用

淑清院旱地七分三釐每年委會計司莊頭一名
種麥所獲之麥咨交內管領官三倉

大光明殿旱地四畝二分每年委會計司莊頭一
名種瓜於進鮮之前交送甜瓜二箇供獻

慈寧宮佛前再交高麗黃瓜十六條送尚膳房○乾隆
九年議準德勝門外向有荷花池一區每年僅
徵租銀四十五兩今勘得內有稻田九十四畝
六釐一毫旱地三畝九分二釐九毫荷花池七
十六畝五分五釐蒲地五十四畝七分一釐共
地二頃二十九畝二分五釐擬定稻地每畝徵
銀四錢三分荷花池蒲地每畝徵銀三錢旱地
每畝徵銀二錢五分共應徵銀八十兩七錢有

奇歲入奏銷○又奏準德勝門內銀錠橋西所有官稻田三項向屬本苑管理後因地勢高窪不等難以耕種奏交會計司所有房屋交官房租庫管理年來挑堰河道疏濬順利業經栽種荷花已成荷池除房屋仍聽官房租庫收租外所有荷池地畝應仍歸苑管理以昭畫一擬定每年徵收租銀五十兩彙入奏銷

一橋樞雍正四年奏準自下清河以上各橋交

奉宸苑管理○六年奏準

圓明園後河隄蕭家河及西牆外出水河五空牆
出水河東門外舊有出水河五道石橋三座並
蕭家河之石橋均交奉宸苑管理其圍牆所有
木橋令

圓明園苑丞等管理○又覆準凡

瀛臺

靜明園湯山高亮橋等處所用松木橋版柁梁牖

版牘繩等項有損壞者由苑移咨工部更換○
又定看守內外河道牘軍三百五十名每名月
支米一斛牘軍闕召民充補各給印票三年更
換看守城外河道五城總甲二十名每月二次
赴苑點卯○乾隆十二年議準下清河以上柳
村等牘自雍正四年歸苑管理只有牘官一人
牘軍四十八名皂隸二名今柳村牘牘官所管
之萬年牘小東牘永慶牘及

圓明園北隄一帶河道橋牕並新增牕板之兩空
牕四空牕等處地方遼濶牕亦繁多牕官軍役
不敷應差行文順天府轉咨直隸總督於天興
牕牕軍撥出三十名前往柳村應差歸并牕官
管束其應得錢糧及一切調撥差委事宜均令
該牕官自行承辦再柳村牕及北隄一帶河道
橋牕均與

圓明園內園相通關繫緊要每年六月至八月大

雨時行並飭令天興牐牐官親赴柳村牐協勘
河道○十六年奏請

清漪園前昆明湖向因河道窄狹並未設有

宮殿又無應役園戶是以本苑酌撥牐軍於行船
河路隨時芟草濬淤今湖面寬展均圍繞

宮殿之間關繫緊要見在

清漪園有專管大臣又設苑丞苑副及園戶等役
百有餘名請嗣後鳳凰墩並昆明湖所有附近

水面橋牕並

廣潤祠

靜明園外船塢等處承應拉牽提牕濬淺各項差務於本苑酌撥牕軍五十名統歸

清漪園管理其鳳凰墩至長春橋以及高亮橋一帶河道橋牕並青龍橋夏令看守各牕仍由苑管轄奉

旨清漪園亦繫爾苑應管之地何必委令一處管理

所奏撥給牐軍五十名分令管轄為數甚少即撥給百名亦屬無多爾等公同商辦不必奏聞

一修船康熙年間定

暢春園等處船每年修艖由該總管等奏請

瀛臺三海等處船每年由苑奏請修艖○雍正五年奉

上旨圓明園暢春園西花園聖化寺等處船均交奉宸苑管理每年修艖著該苑察明奏聞修理銷算遵

旨議定

圓明園

暢春園

瀛臺三海等處船由苑每年於二月內察勘奏請
修理三海拖牀每年黏補一次其修舵黏補所
用桐油咨戶部領取杉木鐵葉釘炭絨繩工匠
咨各該處領取魚鰾木賊草錚磨匠咨武備院
領取辦買灰麻給發工價銀咨廣儲司領取彙

題覈銷○三海暨

靜明園湯山大小船每年所用黃花竹篙槳櫂簷
繩及鋪墊之物有應更換者均由苑移咨各該
處領取○乾隆十六年奏準

圓明園

靜明園

暢春園湯山

瀛臺三海等處船歲由苑委官估計奏交各該處

修艖但各處船多且大小不一臨期約估竊恐不能周詳且領帑之後又分交各該處自行承辦其錢糧是否實用船身果否堅固本苑勢難遍察嗣後

圓明園

靜明園

萬壽山等處即交各該處每年按時自行奏請修理其

暢春園湯山

瀛臺三海等處船仍由苑辦理

一稽察乾隆八年奉

旨大西天經廠萬善殿皆奉宸苑所屬地方嗣後交
該苑登載冊籍管理稽察其廟宇地面不時掃除
務令潔淨○又奉

旨時應宮神像供器亦著奉宸苑登載冊籍不時稽
察

一修理乾隆八年奏準

瀛臺永安寺等處小修工程所需銀請於稻田場
地畝銀內動用六百兩存留備用奉

旨著照所請動支稻田場款項不必拘數歲終即行
奏銷○九年奏準

大西天經廠及

萬善殿

時應宮殿宇房屋牆垣如有滲漏倒壞應行修理

者除應用物料仍向各該處行取外其應買物料並給發工價所需銀在三千兩以內者即於存貯

瀛臺歲修銀內動支隨時辦理統於歲終奏銷此外如有修造所需物料工價數至五千兩者並令奏

聞辦理○十年奏準

勤政殿

豐澤園

淑清院等處各門牕簾簾竹簾雨搭遇有損壞向
繫各該處自行修補自乾隆六年修理以來懸
挂已經數載此內除簾竹簾稍有破損酌量
修補應用外至雨搭一項請交工部門簾庫將
堪用者挑換絨繩其破壞者交該庫委官修補
嗣後

宮殿門牕簾簾竹簾及三海船塢雨搭如有應行

修補者亦交該庫修補○又定

景山南花園等處房屋牆垣有應修理覈明丈尺
移咨營造司修理○二十年奉

旨嗣後不必存畱稻田場地畝銀如有應修之處奏
明修理

織染局

一建置康熙三年奉

旨織染局交內務府總管管理

舊隸工部

○又奏準設員外

郎一人筆帖式三人領催六人○九年設司庫

一人庫使六人○二十四年增設領催一人專

司買辦○六十一年設司匠二人○乾隆十六

年移織染局於

萬壽山裁員外郎凡應辦事宜

簡總理萬壽山大臣兼管其辦事官緊奏委

無定員

一織造段紗康熙初年無定額○四十七年奏

準歲造段紗三十八疋屯絹二百疋大紅長毛

毯毯四十疋交廣儲司段庫○雍正七年奏準

改織暗花屯絹寧紬宮紬八絲段料均按三節

進

呈其每年額交段庫紗槩行停止

一物料所用絲移文浙江布政使司解送染絲

各色顏料戶工二部支取

一靛戶西頂藍靛場四十名大通橋十名鄯縣三十名沙窩場二十名每名各給地二十四畝歲徵靛百斤共徵靛萬斤○雍正十年奏準官用西頂靛戶地七畝七分除靛三十五斤每年見徵靛九千九百六十五斤除染絲應用外餘靛由局照例每斤定價二分三釐折銀交廣儲

司庫

一匠役康熙初年設匠役八百二十五名○二十五年裁一百五十一名○四十七年裁二百名○五十九年裁一百二十八名○雍正四年裁十有五名○十三年裁一百四十一名○乾隆五年奏準裁攬轡匠十有四名屯絹匠十有四名○十六年奏準裁各項匠役五十二名繡匠四十名歸隸廣儲司衣庫○又奏準增設南匠十有二名各月給銀三兩米二斛見存京匠

七十名內織匠二十六名絡絲匠二十二名絡
經匠六名挑花匠四名揀繡匠二名染匠五名
畫匠一名帶匠四名均由局召募民人充補各
給印信照票每名各給官房一間內月給銀二
兩五錢者六名二兩者十有七名一兩五錢者
四十七名每名按季關支米二十一斛均呈堂
咨戶部給領

一蠶戶乾隆十七年奏準蠶戶十有三人移往

萬壽山歸并織染局每名每年給食銀十二兩米
二十四斛夏季藍布單袍掛各一件冬季藍布
棉袍掛襖褲各一件五年一次冬給狐皮帽領
布面羊裘一件

欽定大清會典則例卷一百六十七